

**Talamdan sa
Mga Mensahe alang sa Full-time Training
sa Spring Term sa 2022**

**LINANGKOB NGA HISGOTANAN:
MGA CAPITULO 5 HANGTOD SA 8 SA ROMA—
ANG UYOK SA BIBLIA**

Mensahe 9

**Magkinabuhi diha sa Balaod sa Espiritu sa Kinabuhi sa Paghigugma
Nato sa Ginoo sa Unang Gugma**

Basahong Kasulatan: Rom. 5:5; 8:2, 28-29, 31-39; Juan 14:21, 23; 21:15-17; Efe. 6:24; Bug. 2:4-5, 7

I. Ang Cristohanong kinabuhi mao ang kinabuhing si Cristo mismo nga gikinabuhi pinaagi nato sa pagbuhat Niya sa sulod nato ingon nga balaod sa Espiritu sa kinabuhi—*Mga Alawiton, #403; Rom. 8:2:*

- A. Si Cristo ra ang mahimong tinuod nga Cristohanon, apan sa Iyang Kaugalingon si Cristo ra gyod Siya; dili Siya ma-Cristohanon; mosulod gyod Siya nato, masagol nato, ug magkinabuhi sa Iyang Kaugalingon pinaagi nato aron ma-Cristohanon Siya; dili ta ma-Cristohanon kon wala Siya, ug dili Siya ma-Cristohanon kon wala ta.
- B. Isip balaod sa Espiritu sa kinabuhi nga naa sa atong espiritu, nikaylap Siya sa atong mga bahin sa sulod, sama sa atong hunahuna, pagbati, ug pagbuot, ug nahimong daghang balaod; sa ingon niini nasagol Siya nato ug nahimong atong sangkap sa kinabuhi; matag panahon nga magpahimulos ta Niya, tinuod ta nga Cristohanon, Cristo-tawo—Jer. 31:33; Heb. 8:10:
1. Sa pagbuhat, sa pagkaylap, sa balaod sa Espiritu sa kinabuhi sa sulod nato, gipasama ta sa Dios Kaniya sa kinabuhi, kinaiya, ug pagpadayag, ug gipasama ta sa dagway sa panganayng Anak sa Dios—Rom. 8:2, 28-29.
 2. Ang panganayng Anak maoy sumbanan, ang sulundan, alang sa dinaghang paghulad sa daghang anak sa Dios, nga mao ang daghang igsoon Niya nga maumol nga Lawas Niya aron hiniusang magpadayag sa Dios—v. 29; Efe. 4:20-21.
 3. Ang paagi sa Dios sa dinaghang paghulad ning sumbanan pagbuhat man sa Iyang buhing sumbanan, sa panganayng Anak, nganha sa tibuok natong pagkatawo; kon mobulig ug mobukas ta ning kahibulongang sumbanan, mokaylap Siya gikan sa atong espiritu nganha sa tanang bahin sa atong kasingkasing—3:16-21.
- C. Dawaton ngani nato si Cristo isip halad nga sinunog nato, Siya nga bug-os nga alang sa katagbawan sa Dios, molihok ug mobuhat ang balaod sa Espiritu sa kinabuhi sa sulod nato aron magkinabuhi sa sulod nato sa kinabuhing pagsubli sa kinabuhing gikinabuhi ni Cristo dinhi sa yuta, sa kinabuhi sa halad nga sinunog—Lev. 1:3-4; Rom. 8:2; Efe. 4:20-21; Fil. 1:19-21a; Gal. 2:20; Buh. 28:9, nota 1:
1. Dawaton ngani nato si Cristo isip halad nga sinunog nato, madugtong ta Niya, ug mausa Siya ug kita; nianang pagkausaha gipangako Niya ang tanan natong kaluyahon, mga apan, ug mga sayop, ug naatoa ang tanang maayong gawi Niya; nagkinahanglan kini nga gamiton nato ang atong espiritu pinaagi sa hustong pagampo aron molihok ang balaod sa Espiritu sa kinabuhi sa sulod nato ug mausa ta Niya sa kasinatian gyod—Col. 4:2; Efe. 6:17-18; 1 Hari 8:48, nota 1.

2. Kay si Cristo man ang realidad sa mga halad sa Daang Tugon, ang mga balaod sa mga halad nisibo sa balaod sa Espiritu sa kinabuhi; nagpakita kini nga bisan sa pagpahimulos nato ni Cristo dili gyod ta magmalapason kondili magpadumala hinuon sa balaod sa Espiritu sa kinabuhi—Lev. 6:9; Rom. 8:2; itandi sa 1 Cor. 9:26-27; Gal. 6:15-16; Fil. 3:13-16.

D. “Ang Esp’ritu mo’s esp’ritu ko / Nagsangkap, nausa nako; / Sigeng ako sa kaugalingon / Ug sigeng Ikaw sab ako”—*Mga Alawiton*, #491, estansa 7.

II. Aron makakinabuhi diha sa balaod sa Espiritu sa kinabuhi, mahigugma gyod ta sa Ginoo sa unang gugma; ang paghigugma nato sa Ginoo sa unang gugma, sa labing maayong gugma, pagpauna man sa Ginoo sa tanang butang, magpapugong sa Iyang gugma aron mag-isip ug maghimo Kaniya nga tanan sa atong kinabuhi—Bug. 2:4-5; Col. 1:18b; 2 Cor. 5:14-15; Mar. 12:30; Sal. 73:25-26; 80:17-19:

A. Ang nahikay ug nahingpit nga Tulo-usang Dios nga mao ang nagpuyo-sa-sulod nga balaod sa Espiritu sa kinabuhi mao ang gugma mismo; labi Siyang magbuhat sa sulod nato, labi sab tang madala ngadto sa gugma nga kasingkasing sa Dios ug labi ta Niyang danihon ug pahigugmaon Niya—1 Juan 4:8, 16, 19; Efe. 3:16-21; Rom. 5:5; 8:2, 28-29, 31-39.

B. Pinaagi sa pagtuo nadawat nato ang Ginoo (Juan 1:12-13), ug pinaagi sa gugma nagpahimulos ta sa Ginoo nga atong nadawat (14:21, 23; 21:15-17; Gal. 5:6; 6:15).

C. Ang sinugdanan sa paghigugma sa tanang tawo sa Ginoo panan-awon man sa Iyang persona; ang pagbiya sa unang gugma ngadto sa Ginoo maoy tinubdan ug labing dakong hinungdan sa pagkapakyas sa iglesia sa tanang kapanahonan; ang gugma ra gyoy makaamping nato sa hustong relasyon tali sa Ginoo—2 Cor. 11:2-3; 2 Tim. 1:15; Efe. 1:4; 3:17; 4:2, 15-16; 5:2; 6:24; Bug. 2:4-5, 7.

D. Ang paghigugma nato sa Ginoo sa unang gugma, ang pagpauna Kaniya sa tanang butang, paghinulsol ug pagbuhat man sa unang mga buhat; ang unang mga buhat mao ang mga buhat nga lugwa sa unang gugma; kon gibiyaan nato ang atong unang gugma sa Ginoo ug dili maghinulsol ug mobuhat sa unang mga buhat, mawala kanato ang panghimatuod sa Ginoo, ug kuhaon gikan nato ang tangkawan—vv. 4-5, 7; 1 Tes. 1:3; 2 Cor. 4:5; itandi sa 1 Cor. 15:58; 16:10; 2 Cor. 1:24.

E. Ang paghigugma nato sa Ginoo sa unang gugma, ang pagpauna Kaniya sa tanang butang, pagkaanaa may personal, mabination, pribado, ug espirituhanong relasyon sa Ginoo—A. A. 1:1-4.

F. Ang paghigugma nato sa Ginoo sa unang gugma, ang pagpauna Kaniya sa tanang butang, pagkinabuhi man sa adlaw-adlawng kinabuhi nga nadasig pag-usab sa buntag aron makatagbaw ta ni Cristo sa pagkahimo natong mga batan-ong lalaki Niya nga sama sa yamog gikan sa tagoangkan sa kadlawon (Sal. 110:3), aron naa tay dila sa tinudloan nga makamao mopabaskog sa naluya pinaagi sa pulong (Isa. 50:4-5), ug aron makapakig-ambitay ta sa Dios, magtinguha sa kabubut-on ug gikahimut-an sa Dios alang sa pag-alagad Niya sa ebanghelyo (Mar. 1:35).

G. Ang paghigugma nato sa Ginoo sa unang gugma, ang pagpauna Kaniya sa tanang butang, pagkinabuhi man sa adlaw-adlawng kinabuhi nga naghalad, nahimong mga Nasareo karon, nga hingpit nga naginahin ngadto sa Dios ug nasuropan sa Dios aron makapanalangin sa mga anak sa Dios sa pagpaambit sa Dios ngadto nila diha sa Dios-nong Trinidad Niya—Sal. 110:3; Num. 6:1-9, 22-27.

H. Ang paghigugma nato sa Ginoo sa unang gugma, ang pagpauna Kaniya sa tanang butang, pagkinabuhi man sa kinabuhing nag-ampo—1 Sam. 12:23; Mat. 6:6; 14:22-23; Dan. 6:10; 2:17-18; 1 Tim. 2:1; 2 Tim. 1:3; 1 Tes. 5:17.

- I. Ang paghigugma nato sa Ginoo sa unang gugma, ang pagpauna Kaniya sa tanang butang, paghigugma, pagmahal, ug pagpamalandong man nato sa pulong sa Dios—Sal. 119:11, 14-15, 23, 48, 72, 78, 97, 99, 111, 113, 119, 127, 140, 147-148, 159, 162-163, 165, 167.
- J. Ang paghigugma nato sa Ginoo sa unang gugma, ang pagpauna Kaniya sa tanang butang, pagpadumala man sa direkta, primera manong presensya sa Ginoo—Exo. 33:11, 14; 13:21-22; 2 Cor. 2:10; Exo. 25:30, mga nota 1 ug 2.
- K. Ang paghigugma nato sa Ginoo sa unang gugma, ang pagpauna Kaniya sa tanang butang, paghigugma man sa iglesia diha sa nahigugma-sa-iglesia nga Cristo—Efe. 5:25; 2 Cor. 12:15; 1 Cor. 16:24.
- L. Ang paghigugma nato sa Ginoo sa unang gugma, ang pagpauna Kaniya sa tanang butang, paghigugma man sa pagpangalagad nga nagtukod sa iglesia—2 Cor. 8:5; 1 Juan 1:3; Efe. 4:11-12.
- M. Ang paghigugma nato sa Ginoo sa unang gugma, ang pagpauna Kaniya sa tanang butang, pagkinabuhi ug paggawi man pinaagi sa Espiritu, pag-alagad pinaagi sa Espiritu, ug pagpangalagad sa Espiritu—Gal. 5:25; Fil. 3:3; 2 Cor. 3:6; Zac. 4:6; Huk. 9:9; itandi sa 1 Sam. 2:30b.
- N. Ang paghigugma nato sa Ginoo sa unang gugma, ang pagpauna Kaniya sa tanang butang, pagdawat man Kaniya nga tuboran sa buhing mga tubig; tuyo sa Dios sa pamatigayon Niya nga mahimo Siyang tuboran, tinubdan, sa buhing mga tubig aron ikapaambit Siya ngadto sa piniling katawhan Niya aron matagbaw ug makapahimulos sila para mapalugwa ang iglesia, ang kapikas sa Dios, nga pagdako sa Dios nga mahimong kahupnganan sa Dios nga magpadayag Niya—Jer. 2:13; Juan 4:14b.
- O. Ang paghigugma nato sa Ginoo sa unang gugma, ang pagpauna Kaniya sa tanang butang, pagkaon man Kaniya nga kahoy sa kinabuhi; ang pagkaon kang Cristo nga kahoy sa kinabuhi, sa ato pa, ang pagpahimulos kang Cristo nga atong sangkap sa kinabuhi, mao gyod untay numero unong butang diha sa iglesiahanong kinabuhi—Bug. 2:7.
- P. Ang paghigugma nato sa Ginoo sa unang gugma, ang pagpauna Kaniya sa tanang butang, mapadayonon mang pagduol Kaniya aron mokontak Niya, modawat Niya, motilaw Niya, ug mopahimulos Niya—Isa. 57:20, nota 1.
- Q. Ang paghigugma nato sa Ginoo sa unang gugma, ang pagpauna Kaniya sa tanang butang, paghimo man Kaniya nga atong sentro—ang sentrong nagkupert—ug atong uniberso—ang atong tanan; himoon gyod nato Siya nga atong sentro, sulod, ug utlanan sa atong personal nga uniberso—Col. 1:17b, 18b.
- R. Ang paghigugma nato sa Ginoo sa unang gugma, ang pagpauna Kaniya sa tanang butang, pagkadesidido mang makaangkon sa dungog nga gikahimut-an Niya pinaagi sa paggamit sa atong espiritu sa pagtuo aron motuo nga ang Dios mao ug dili ta mao—2 Cor. 4:13; 5:9; Heb. 11:5-6; Gen. 5:22-24.
- S. Ang paghigugma nato sa Ginoo sa unang gugma, ang pagpauna Kaniya sa tanang butang, pagkaanaa may tin-awng langit nga sama sa makalilisang nga kristal nga dunay trono sa Dios nga sapiro ibabaw niini; nagpasabot kini nga walay nakaulang tali nato ug sa Ginoo ug nga napuno ta sa langitnong kahimtangan, kahimtang, ug sitwasyon sa nagbuot nga presensya Niya—nagpabuot ug nagpahari Niya sa sulod nato ingon nga atong Hari, sa ingon niana nagpalingkod Niya sa trono isip Magbubuot ug Tigdesider sa tanang butang sa atong kinabuhi—Ezeq. 1:22, 26; Isa. 6:1-8; itandi sa Juan 12:41-43.
- T. Ang paghigugma nato sa Ginoo sa unang gugma, ang pagpauna Kaniya sa tanang butang, pagpabilin man Kaniya nga Ulo, magpabiling suod nga nadugtong Niya, magtubo ngadto Niya, ug magbuhat gikan Niya aron makapatubo ang tibuok Lawas sa

Lawas aron magtukod sa iyang kaugalingon diha sa gugma—Col. 2:19; Efe. 1:22-23; 4:15-16.

- U. Ang paghigugma nato sa Ginoo sa unang gugma, ang pagpauna Kaniya sa tanang butang, pagpatambag man ni Jehova sa tanang detalye sa atong Cristohanong kinabuhi ug buhat; pagpamulong kini ngadto ni Cristo nga dakong bato nga gihampak, mangayo Kaniya sa Espiritu diha sa pagtuo, aron madawat nato ang buhing Espiritu nga mao ang madagayaong sangkap—Jos. 9:14; Fil. 1:19-21a; Luc. 11:13.
- V. Ang paghigugma nato sa Ginoo sa unang gugma, ang pagpauna Kaniya sa tanang butang, pagpauna man sa agay sa kinabuhi, sa agay ni Ginoong Jesus sa sulod nato, sa tanang pagkamao ug buhaton nato; Siya dayon ang naghayag, nagtubos, naghari, nag-agay, ug nagsangkap sa sulod nato—Ezeq. 47:1; Bug. 22:1-2.
- W. Ang paghigugma nato sa Ginoo sa unang gugma, ang pagpauna Kaniya sa tanang butang, pagpadorinar, pagpadumala, pagpamando, pagpagiya, ug pagpalihok man sa atong nasagol nga espiritu, nga magtagad sa pahulay sa atong espiritu sa pagkahimong mga binihag Niya ug sa pag-ampo nga, “Ginoo, bihaga ko. Ayaw gyod ko padag-a. Pildiha ko sa tanang panahon”—2 Cor. 2:13-14.
- X. Ang paghigugma nato sa Ginoo sa unang gugma, ang pagpauna Kaniya sa tanang butang, pagpalingkod man Kaniya sa trono pinaagi sa atong mga pagdayeg; ang pagdayeg maoy kinalabwang buhat nga gibuhad sa mga anak sa Dios—Sal. 22:3; 119:164; 34:1.